

Hic commisimus nos *Lacui Lauzannensi* seu *Genevensi*, *Le-*
mannus alias dicto, *Viviscum*, *Vevay* petituri: Vico huic olim ^{Lacus Le-}
mannus. celebri, oppido nunc eleganti, à parte superiori ad ripam La-
cūs adjacent Castelli antiqui fortis, & faxis inædificati rudera.
Inde ab hoc Castello, *Tour de Pyl* dicto, protendunt se sco-
puli in ipsum lacum, haud exiguo navium, ventis agitatarum
huc appellantium, periculo, è quo & nos per DEI gratiam fe-
lices evasimus. Intumuit valde vento vehementi fluctibus spu-
mosis agitatum hoc Mare Germanicum, ut in ipsis littoribus,
(portus enim hic nulli, magno Navigantium præjudicio,) non
securæ steterint naves. Nautarum nostrorum propositum fuit
scopulos præternavigare, & super furentes fluctus porro Vi-
viscum tendere, sed DEO aliter fuit visum, pro salute no-
stra; ea fuit fluctuum magnitudo, is impetus, quem *αγαθὴ τύχη*
superare non potuere Nautæ, quivè ipsam naviculam nostram
vix tribus à scopulo extremo passibus projectis transversim ver-
sus ripam. Quod si ineptorum Nautarum is fuisset conatus,
qui scopulum extreum navim prætervexisset, nulla tunc su-
perfuisset Navim salvandi spes, quæ scopolis allisa dubio pro-
cul in mille disrupta fuisset fragmenta.

Juxta Vibiscum in Lacum defluit torrens rapidus *la Vevai-*
se dictus, qui ex Montibus Bernensibus & Friburgensisibus se-
cum dicit lata, arenas, truncos, magno hortorum, vinea-
rum pratorumque damno; cui prævenire tentat Ampliss. Se-
natus Bernensis alveo magnis haetenus sumtibus continuato,
de cuius prospero vel sinistro eventu testabitur posteritas. Fuit
hodie cœlum pluviosum & inquietum, Tiguri quoque fortiter
spirabat, quem nos quoque experti fuimus SW. & pluvia
lapsa 2. lin.

D. 10. Jul. Iter terrâ prosecuti *Lauzannam* Urbem antiqui- ^{Lauzanna;}
tate, Episcopatu, & Gymnasio Academiæ æmulo celebrem. ^{Urbs.}
Cœlo inconstanti habuimus Mercurii alt. h. 6. p. 26. 1¹2. & Ti-
guri h. 4. p. simili Aëris constitutione 26. 6.

	Mar.	Cassin.
Lausanna	26. 1 ¹ 2.	244. 3.
Tigurum	26. 6.	194. 3.
Diff. inter Tigurum & Lausannam	50. 0.	65. 3.
	Sff	In

498 I T E R A L P I N U M
 In Choro Templi Cathedralis legimus sequentem Inscriptio-
 nem, Marmori nigro insculptam.

CHORVM HVNC
 VETVSTATIS SITV OBRVTVM RESTAV-
 RARI AC CELEBRANDIS PROMOTIONVM
 SOLENNIBVS CONSECRARI CVRAVIT
 VIR AMPLISSIMVS D. DANIEL IM-
 HOF LAVSANNENSIS TOPARCHA
 MVSARVMQVE FAVTOR MAGNIFICVS
 CVI PERENNE HOC GRATI ANIMI
 MONVMMENTVM MERITO POSVIT
 ACADEMIA LAVSANNENSIS, ANNO QVO
 RESTITVIT MAGNI HÆC AVLAEI RVDERA VIRTVs.

Die 11. h. 7. a. rursus fuit Merc. altitudo Lausannæ 26. 1 $\frac{1}{2}$.
 Tiguri 26. 5 $\frac{1}{2}$. h. 9. a. coelum utrobique per totum diem incon-
 stans subinde pluviosum, ut Tiguri ceciderint 2. lin.

Hodie per *Eschalenium*, *Eschale*, Præfecturam Ber-
 nensibus & Friburgensibus communem trajectu horar-
 um venimus *Ebrodunum*, *Tverdon*, ubi h. 6. p. fuit Merku-
 rii altit. 26. 1.

	Mar.	Cassin.
Lausanna	26. 1 $\frac{1}{2}$.	244. 3.
Ebrodunum	26. 1.	250. 3.
Tigurum h. 3. sp.	26. 6.	194. 3.

Differ. inter Lausannam & Ti-
 gurum eadem quæ supra.

Differ. inter Lausannam
 & Ebrodunum 6. o. 7. o.

Juxta quem calculum Lacus Lemannus, & Neocastrensis,
 cui Ebrodunum adjacet, ejusdem prope erunt Horizontis.

In Pago *Ascens*, Præfecturæ *Esclenæ* ad ædis rusticæ
 fores confexi saxum subsphæricum elegans, viridis coloris,
 quod ratione polituræ, & duritiei, ad Jaspidem potius quam
 Mar-

Ebrodu-
num.

PAGHS A-
scens.